

O Concello de Verín inicia unha nova edición do proxecto de redución do abandono escolar, promovido desde o departamento de Educación Familiar de Servizos Sociais e asentado en tres modalidades: *Estudar pode ser divertido*, *Obradoiro de Graduado e Corresponsabilidade*,¹ *Programa de Competencias Clave e Certificados de Profesionalidade*,² *Obradoiro de Debate*, e *Información e Sensibilización*.

Devandito proxecto, que se desenvolverá nos meses escolares, ten como obxectivo: diminuír o fracaso escolar, formación para a presentacións as probas de acceso libre ao título da E.S.O., formación en competencias clave, e continuar no tempo unha labor social, educativa, escolar e familiar demandada entre a poboación, que necesita formarse e obter uns estudos mínimos para acceder ao mundo laboral.

Estudar pode ser divertido

Actividade encamiñada a evitar o abandono escolar do alumnado de 3º e 4º de ESO e PCPI en risco de exclusión, incidindo na motivación mediante o uso das novas tecnoloxías e no aprendizaxe significativo, a través da utilización de ordenadores coma elementos catalizadores a hora de levar a cabo as tarefas de aprendizaxe.

Obradoiro de Graduado e Corresponsabilidade

Apoia a formación co obxecto de presentarse ás probas de acceso libre ao título da E.S.O. preparando nos ámbitos lingüístico, social e científico tecnolóxico, segundo o establecido pola Consellería de Educación e Ordenación Universitaria -xa se presentou alumnado as probas do pasado 13 de setembro-. De xeito complementario, e mediante contidos dinámicos, analizouse o traballo na corresponsabilidade, organización e reparto equitativo de tarefas domésticas, arranxos de pequenas avarías, organización doméstica.

Programa de Competencias Clave e Certificados de Profesionalidade

Formar ao alumnado nas seguintes competencias: lingua galega, lingua castelá, matemáticas, ciencias, tecnoloxía, inglés e dixital. En cada unha destas materias trabállanse os contidos esixidos polo Instituto Galego de Cualificacións. Hai 24 matriculacións para as probas que se celebrarán o día 24 de novembro en Silleda. Estívose e estase pendente dos certificados que saen no DOG para así informar, formar e axudar a preparar a proba que lle requiren segundo o certificado.

Obradoiro de Debate

Nesta actividade fomentase a estimulación da linguaxe oral e escrita, pero sobre todo o temor a falar e expresarse en público.

Información e Sensibilización

Lévase a cabo dende Educación Familiar do Concello de Verín dando información sobre as ensinanzas especiais para persoas adultas, e sobre os certificados de profesionalidade. Informouse dos centros de impartición, datas de matrícula, requisitos ou convocatoria de avaliación para os diferentes certificados, e axudase a cumprimentar documentación para as distintas probas.

Para máis información deben dirixirse á oficina de Educación Familiar, situada na Casa da Xuventude (Avda. de Portugal, 11 bis) ou no teléfono 988-414776.